

四庫全書


史部

欽定四庫全書

弇山堂別集卷三十一

明 王世貞 撰

帝系



憲懷太子

靖悼王

穆宗

潞王

帝歷

| | | | |
|----|----------|-----|----|
| 陵孝 | 年一十三武洪 | 高皇帝 | 太祖 |
| 陵長 | 年二十二樂永 | 文皇帝 | 成祖 |
| 陵獻 | 年一熙洪 | 昭皇帝 | 仁宗 |
| 陵景 | 年十德宣 | 章皇帝 | 宣宗 |
| 陵裕 | 年八天年十四順統 | 睿皇帝 | 英宗 |
| 陵茂 | 年三十二化成 | 純皇帝 | 憲宗 |
| 陵泰 | 年八十治弘 | 敬皇帝 | 孝宗 |
| 陵康 | 年六十德正 | 毅皇帝 | 武宗 |
| 陵永 | 年五十四靖嘉 | 肅皇帝 | 世宗 |
| 陵昭 | 年六慶隆 | 莊皇帝 | 穆宗 |

帝統后附

太祖高皇帝初諱興定諱元璋字國瑞仁祖第四子也
元天曆元年九月十八日生母曰淳皇后陳氏至正十
五年起義兵丁酉年下金陵置江南行中書省為右丞
相封吳國公丁未即吳王位洪武元年正月初四日即
皇帝位國號大明建元洪武三十一年閏五月初十日
崩於西宮壽七十一葬南京孝陵神烈山永樂元年六
月十一日上尊謚曰聖神文武欽明啟運俊德成功統

天大孝高皇帝廟號太祖嘉靖十七年十一月初一日
加上尊謚曰開天行道肇紀立極大聖至神仁文義武
峻德成功高皇帝

高皇后姓馬氏宿州人徐王馬公女洪武元年正月初
四日冊立為皇后十五年八月初十日崩壽五十四合
葬孝陵永樂元年上尊謚曰孝慈昭憲至仁文德承天
順聖高皇后嘉靖十七年十一月初一日加上尊謚曰
孝慈貞化哲仁順徽成天育聖至德高皇后

建文帝諱允炆太祖孫懿文皇太子追號興宗孝康皇帝之次子也洪武二十五年九月十三日冊為皇太孫洪武三十一年閏五月十六日即皇帝位改元建文四年六月十三日靖難兵入金川門宮中火起帝殂在位四年或傳遜於外成祖即位革除帝號建文四年仍為洪武三十五年

建文皇后姓馬氏

闕

人光祿寺卿全女洪武二十八

年十月冊立為皇太孫妃建文元年二月冊立為皇后

四年六月十三日殂於火

成祖文皇帝諱棣太祖第四子元至正二十年四月十七日生母曰高皇后馬氏洪武三年四月初七日冊封

為燕王建國北平

今京師

十三年三月十七日之國建文

二年起義兵四年六月十七日即皇帝位改元永樂二

十二年七月十八日崩於榆木川壽六十五葬長陵天

壽山是年九月初十日上尊謚曰體天弘道高明廣運

聖武神功純仁至孝文皇帝廟號太宗嘉靖十七年九

月十一日加上尊謚曰啟天弘道高明肇運聖武神功
純仁至孝文皇帝廟號成祖

文皇后姓徐氏中山武寧王達之女洪武九年正月二
十七日冊封為燕王妃洪武三十五年十一月十三日
冊立為皇后永樂五年七月初四日崩壽四十六合葬
長陵二十二年九月初十日上尊謚曰仁孝慈懿誠明
莊獻配天齊聖文皇后

仁宗昭皇帝諱高熾成祖第一子洪武十一年七月二

十三日生母曰文皇后徐氏二十八年閏九月二十一日封為燕世子永樂二年四月初四日冊立為皇太子二十二年八月十五日即皇帝位洪熙元年五月十二日崩於欽安殿壽四十八葬獻陵七月初二日上尊謚曰敬天體道純誠至德弘文欽武章聖達孝昭皇帝廟號仁宗

昭皇后姓張氏永城人彭城伯麒之女洪武二十八年閏九月二十一日冊封為燕世子妃永樂二年四月初

四日冊封為皇太子妃二十二年十月初八日冊立為
皇后洪熙元年宣宗即位七月初八日上尊號曰皇太
后宣德十年英宗即位二月初九日加上尊號曰太皇
太后正統七年十月十八日崩合葬獻陵十一月初四
日上尊謚曰誠孝恭肅明德弘仁順天啓聖昭皇后

宣宗章皇帝諱瑄基仁宗第一子洪武三十一年二月
初九日生母曰昭皇后張氏永樂九年十一月初十日
冊立為皇太孫二十二年仁宗即位十月十一日冊立

為皇太子洪熙元年六月十二日即皇帝位改元宣德
十年正月初三日崩於乾清宮壽三十八葬景陵是月
二十五日上尊謚曰憲天崇道英明神聖欽文昭武寬
仁純孝章皇帝廟號宣宗

恭讓章皇后姓胡氏濟寧人都督榮之女永樂十五年
七月十三日冊封為皇太孫妃二十二年十月十一日
冊封為皇太子妃洪熙元年七月初八日冊立為皇后
宣德三年二月以多疾無子上表請間居別宮正統八

年十一月初五日薨謚靜慈仙師葬金山原天順七年

閏七月十七日加上尊謚曰恭讓誠順康穆靜慈章皇

后脩葺陵寢
不祔廟

章皇后姓孫氏太保安國公忠之女宣德元年五月初

九日冊封為貴妃三年三月初一日冊立為皇后十年

英宗即位二月初九日上尊號曰皇太后正統十四年

景皇帝即位十二月初四日加上尊號曰上聖皇太后

天順二年正月十二日加上尊號曰聖烈慈壽皇太后

六年九月初四日崩合葬景陵十月初七日上尊謚曰

孝恭懿憲慈仁莊烈齊天配聖章皇后

英宗生母祔廟

景帝太后吳氏丹徒人都督彥名之女正統十四年十
二月初七日上尊號為皇太后天順元年復稱皇賢妃
以成化中薨

英宗睿皇帝諱祁鎮宣宗第一子宣德二年十一月十
一日生母曰章皇后孫氏三年二月初六日冊立為皇
太子十年正月初十日即皇帝位改元正統十四年八

月北狩九月初六日尊為太上皇帝景泰元年八月還居南宮凡七年天順元年正月十七日復皇帝位八年正月十七日崩於乾清宮壽三十八葬裕陵二月十二日上尊謚曰法天立道仁明誠敬昭文憲武至德廣孝睿皇帝廟號英宗

睿皇后姓錢氏中軍都督追贈安昌伯貴之女正統七年正月十九日冊立為皇后天順八年憲宗即位三月初一日上尊號曰慈懿皇太后成化四年六月二十六

日崩合葬裕陵七月十九日上尊謚曰孝莊獻穆弘惠
顯仁恭天欽聖睿皇后

孝肅皇后姓周氏慶雲伯追贈寧國公能之女天順元
年四月十三日冊封為皇貴妃八年憲宗即位二月初
一日上尊號曰皇太后成化二十三年四月十七日加
上尊號曰聖慈仁壽皇太后是年九月孝宗即位十月
初九日上尊號曰聖慈仁壽太皇太后弘治十七年三
月初一日崩合葬裕陵四月初六日上尊謚曰孝肅貞

順康懿光烈輔天成聖太皇太后

憲宗生母

景皇帝諱祁鈺宣宗第二子宣德三年八月初三日賢妃吳氏生宣德十年二月初九日冊封為郕王正統十四年英宗北狩九月初六日即皇帝位尊母吳妃為皇太后景泰八年正月十七日英宗復辟是為天順元年二月初四日復為郕王是月十九日薨於西宮壽三十謚曰戾葬金山成化十一年十二月十三日復皇帝號二十四日上尊謚曰恭仁康定景皇帝

景皇后姓汪氏中兵馬指揮英之女正統十年八月二十五日冊封為郕王妃十四年景皇帝即位十二月初八日冊立為皇后景泰三年廢天順元年二月復為郕王妃正德元年十二月十五日薨合葬金山二年十一月上尊謚曰貞惠安和景皇后再立皇后杭氏關人
關女景泰三年五月初二日冊立為皇后天順元年廢死

憲宗純皇帝諱見濟英宗第一子正統十二年十月初二日

生母曰孝肅太后周氏初名見深正統十四年八月郕王攝政皇太后命冊立為皇太子景泰三年降封沂王天順元年三月初六日改今諱復立為皇太子八年正月二十二日即皇帝位改元成化二十三年八月二十二日崩於乾清宮壽四十一葬茂陵九月十九日上尊諡曰繼天凝道誠明仁敬崇文肅武宏德至孝純皇帝廟號憲宗

純皇后姓王氏中軍都督追贈阜國公鎮之女天順八

年十月十二日冊立為皇后成化二十二年孝宗即位
十月初九日上尊號曰皇太后弘治十八年八月初二
日武宗即位加尊太皇太后正德五年加上尊號曰慈
聖康壽太皇太后十三年二月初四日崩合葬茂陵三
月初三日上尊謚曰孝貞莊懿恭靖仁慈欽天輔聖純
皇后

孝穆皇后姓紀氏中軍都督福斌之女成化十一年六
月二十八日薨七月二十一日追封恭恪莊僖淑妃葬

金山二十三年孝宗即位十一月二十六日加上尊謚
曰孝穆慈慧恭恪莊僖崇天承聖皇太后十二月十七

日遷葬茂陵

孝宗
生母

孝惠皇后姓邵氏贈昌化伯林之女成化十二年十月初八日冊封為宸妃二十三年七月二十七日冊封為貴妃正德十六年世宗即位十月初三日進稱皇太后嘉靖元年三月十一日上尊號曰壽安皇太后是年十一月十八日崩葬金山後遷茂陵二年正月二十日上

尊謚曰孝惠康肅溫仁懿順協天祐聖太皇太后

睿宗生母

孝宗敬皇帝諱祐樞憲宗第三子成化六年七月初三

日生於西宮母曰孝穆太后紀氏十一年十一月初八日冊

立為皇太子二十三年九月初六日即皇帝位改元弘治

十八年五月初七日崩於乾清宮壽三十六本年六月

初一日上尊謚曰達天明道純誠中正聖文神武至仁

大德敬皇帝廟號孝宗十月十九日葬泰陵

敬皇后姓張氏壽寧侯追封太保昌國公璉之女成化

二十三年二月初六日冊立為皇太子妃十月初十日
冊立為皇后弘治十八年武宗即位八月初二日上尊
號曰皇太后正德五年十二月十二日加上尊號曰慈
壽皇太后嘉靖元年世宗即位三月初十日加上尊號
曰昭聖慈壽皇太后三年四月十五日加上尊號曰昭
聖康惠慈壽皇太后十五年閏十二月初三日加上尊
號曰昭聖恭安康惠慈壽皇太后二十年八月初八日
崩十九日上尊謚曰孝康靖肅莊慈哲懿翊天贊聖敬

皇后十一月初九日合葬泰陵

武宗毅皇帝諱厚炤孝宗第二子弘治四年九月二十
四日生母曰敬皇后張氏五年三月初八日冊立為皇
太子十八年五月十八日即皇帝位改元正德十六年
三月十四日崩於豹房壽三十一四月二十二日世
宗即位五月初八日上尊謚曰承天達道英肅睿哲昭
德顯功宏文思孝毅皇帝廟號武宗九月二十四日葬
康陵

毅皇后姓夏氏慶陽伯儒之女正德元年八月十一日
冊立為皇后嘉靖元年正月初十日上尊號曰莊肅皇
后十四年正月二十五日崩三月初九日上尊謚曰孝
靜莊惠安肅溫誠順天偕聖毅皇后合葬康陵

祔廟

世宗肅皇帝諱厚熄睿宗第二子正德二年八月初十
日生於興府母曰獻皇后蔣氏十六年三月十五日以
興世子奉迎入繼大統四月二十二日即皇帝位改元
嘉靖四十五年十二月十四日崩於乾清宮壽六十隆

慶元年正月二十日上尊謚曰欽天履道英毅聖神宣
文廣武洪仁大孝肅皇帝廟號世宗三月十七日葬永
陵

肅皇后姓陳氏泰和伯萬言之女嘉靖元年九月二十
八日冊立為皇后七年十月初二日崩十二月初三日
謚曰悼靈皇后八年三月初二日葬天壽山襖兒峪十
五年九月二十九日改謚孝潔皇后嘉靖四十五年穆
宗即位隆慶元年正月二十九日加上尊謚曰孝潔恭

懿慈睿安莊相天翊聖肅皇后三月十七日遷葬永陵

廟祔

廢后姓張氏錦衣衛指揮僉事楫之女嘉靖元年十月十六日冊封順妃七年十一月二十八日冊立為皇后嘉靖十二年正月初六日廢十五年閏十二月初三日薨十六年正月十九日改曰繼后葬金山

孝烈皇后姓方氏安平侯銳之女嘉靖十年三月初二日冊封為德妃十三年正月十五日冊立為皇后二十

六年十一月十八日崩謚曰孝烈皇后先入永陵玄宮

祔太廟隆慶元年穆宗即位正月二十九日加上尊謚曰

孝烈端慎敏惠恭誠祗天衛聖皇后

遷主祀別殿

孝恪皇后姓杜氏慶都伯林之女嘉靖十年三月初一日冊封為康嬪十五年九月初九日進封康妃三十三年正月初十日薨葬金山隆慶元年穆宗即位正月初八日加上尊謚曰孝恪淵純慈懿恭順贊天開聖皇太后三月十七日遷葬永陵

穆宗莊皇帝諱載垕世宗第三子嘉靖十六年正月二十三日生母曰孝恪太后杜氏十八年三月初一日冊封為裕王四十五年十二月二十六日即皇帝位改元隆慶六年五月二十六日崩於乾清宮壽三十六是年六月二十七日上尊謚曰契天隆道淵懿寬仁顯文光武純德宏孝莊皇帝廟號穆宗本年九月十九日葬昭陵

莊皇后姓李氏德平伯銘之女嘉靖三十二年二月初

八日冊封為裕王妃三十七年四月十三日薨葬金山
隆慶元年正月二十九日謚曰孝懿皇后六年七月初
二日加上尊謚曰孝懿貞惠順哲恭仁儷天襄聖莊皇
后九月十九日合葬昭陵廟

懿安康靜仁聖皇太后姓陳氏通州人固安伯景行女

嘉靖三十八年闕月闕日冊封為裕王繼妃隆慶元

年二月初九日冊立為皇后六年今上即位上尊號曰仁聖

皇太后萬曆六年三月加懿安十年加康靖

昭文明肅慈聖皇太后姓李氏宛平人武清伯偉之女
隆慶元年二月初九日冊立為皇貴妃六年今上即位
七月二十七日上尊號曰慈聖皇太后萬厯六年三月
加昭文十年加明肅

今皇帝御名胡鈞穆宗第三子嘉靖四十二年癸亥八
月十七日生母曰慈聖皇太后李氏隆慶二年三月十
一日冊立為皇太子六年六月初十日即皇帝位改元

萬厯

帝號追崇

德祖者伯六公高皇帝之四世祖也家句容之朱家巷為重八公第三子葬於朱巷是為德祖玄皇帝配胡氏曰玄皇后俱洪武元年正月乙亥追上尊號

懿祖者四九公德祖第二子也葬於朱巷小明王龍鳳九年贈資德大夫江南等處行中書省右丞上護軍司空吳國公是為懿祖恒皇帝配侯氏初贈吳國夫人是為恒皇后俱洪武元年正月乙亥追上尊號

熙祖者初一公懿祖長子徙泗州遂葬泗州祖陵基運
山龍鳳九年贈光祿大夫江南等處行中書省平章政
事柱國司徒吳國公是為熙祖裕皇帝配王氏贈公夫
人是為裕皇后俱洪武元年正月乙亥追上尊號

仁祖者五四公諱世珍熙祖第三子移地鍾離之西鄉
遷東鄉後遷太平鄉以元至正四年四月六日崩壽六
十六葬中都皇陵翊聖山初曰英陵龍鳳九年贈開府
儀同三司上柱國錄軍國重事中書右丞相太尉吳國

公是為仁祖淳皇帝配陳氏楊王陳公女至正四年四月二十九日崩是為淳皇后俱洪武元年正月乙亥追上尊號

興宗者建文君之父也諱標洪武三十一年建文君即位加上尊號謚曰興宗孝康皇帝后常氏初謚懿敬妃以洪武三十一年七月加上尊號謚曰孝康皇后繼配后呂氏太常卿本之女洪武三十一年七月尊為皇太后靖難後俱仍故封號餘見皇太子紀

睿宗獻皇帝諱祐杭憲宗第四子成化十二年七月初二日孝惠太后邵氏生二十三年七月十一日冊封為興王弘治七年九月十八日之國湖廣安陸州今承天府正德十四年六月十七日薨諡曰獻壽四十四葬純德山嘉靖元年世宗即位三月二十一日上尊諡曰興獻帝脩葺陵寢號顯陵二年七月二十一日加上尊諡曰恭穆獻皇帝七年六月初十日加上尊諡曰恭睿淵仁寬穆純聖獻皇帝十七年九月十一日加上尊諡曰知

天守道洪德淵仁寬穆純聖恭儉敬文獻皇帝廟號睿宗

獻皇后姓蔣氏贈玉田伯劾之女弘治五年正月二十日冊為興王妃嘉靖元年世宗即位三月二十一日上尊號曰興國太后三年四月十六日加上尊號曰章聖皇太后七年七月十二日加上尊號曰章聖慈仁皇太后十五年閏十二月初七日加上尊號曰章聖慈仁康靜貞壽皇太后十七年十二月初四日崩二十七日上

尊謚曰孝慈貞順仁敬誠一安天誕聖獻皇后十八年

七月二十五日合葬顯陵

附太廟

東宮紀

懿文皇太子標高皇帝之長子也母孝慈高皇后馬氏
以元至正十五年乙未生於太平陳廸家太祖為吳王
立為王世子洪武元年正月初四日冊立四年春賜大
本堂玉記十年六月令中外庶務先啓太子處分二十
四年七月乙丑巡陝西還二十五年四月丙子薨追賜

謚葬孝陵東

元妃常氏濠州人開平王遇春女先薨謚懿敬繼妃呂氏壽州人太常卿本女餘見前帝號紀

皇太子文奎建文君長子也以洪武二十九年十月晦生三十年建文立冊封為皇太子詔天下四年靖難兵至時年七歲不知所終又有少子文圭即建庶人也二歲而幽中都廣安宮天順中赦從自便給歲奉妾媵閭者又二歲而終無子懿文後遂絕

懷獻皇太子見濟景帝長子也母曰皇后杭氏以正統
十闕年七月初二日生景泰三年四月乙酉冊立為皇
太子大赦天下賞賚中外四年二月己亥薨追謚天順
元年稱世子

悼恭皇太子祐極憲宗第二子也萬貴妃生長子未命
名而薨太子以成化五年四月辛巳生母賢妃栢氏七
年十一月己酉冊立詔赦天下十二月薨追謚葬西山
哀冲皇太子載填世宗長子也母貴妃閻氏嘉靖十二

年八月生十月薨追冊謚葬西山

莊敬皇太子載墪世宗第二子也母貴妃王氏嘉靖十

五年

閏月 閏

日生十八年

閏月 閏

日冊立三十一

年

閏月 閏

日薨追謚葬西山

憲懷皇太子

翊鉞穆宗長子也母莊皇后李氏以嘉靖

三十四年生三十八年薨初贈裕世子隆慶元年追冊

謚

弇山堂別集卷三十一

欽定四庫全書

史部

弇山堂別集卷三十二至四

詳校官編修_臣李潢

編修_臣裴謙覆勘

總校官中書_臣朱鈐

校對官中書_臣李棨

謄錄監生_臣官懋斌

欽定四庫全書

弇山堂別集卷三十二

明

王世貞

撰

同姓諸王表

昔哉班固之引詩曰介人惟藩大宗惟翰懷德惟寧宗
子惟城夫豈直以昭展親敦睦之義蓋首廣樹肺腑以
夾輔王室有深長思焉然天子之號僅為王王畿不過
千里諸侯之殺也十之故以至親勛德無兩周公而爵

斬九命地裁百里鄭衛以下可推己自秦始私天下孤
立自雄諸公子無尺寸之地拱手以成關東諸侯之勢
漢祖大鑒其失故襄王王齊元王王楚潁王王吳如意
王趙文帝王代皆跨州兼郡連城數十宮室百官並制
京師識者譏其矯枉過正焉易世而後勢不得不分其
地降其官屬苛責以法而削其權至東平憲王遂兼驃
騎將軍雖以王故位三公上而隱然臣庶之列矣魏晉
而後入為常伯出領岳牧積資累望始遷鼎司當是時

一字二字皆同國封無所軒輊隋唐之世始以一字為國王天子之親子弟為之正一品二字為郡王屬之稍疎者為之從一品以逮於宋大抵因之蓋國邑不及兩漢而事寄不及六代養之以祿食崇之以虛器如是而已元起沙漠其自太祖以下咸分部西北或為行國以畜牧自娛樂或控西番賦城郭為食邑又竭府庫之金帛緡鈔以資之至世祖之昭穆始約略如唐宋時而爵秩稍崇事寄亦稍重明興高皇帝損益百代以成彝典

而其大指在封建本支翼衛磐石即位之元年立皇太子三年封諸王秦王都長安晉王都晉陽燕王都燕周王都汴梁楚王都武昌齊王都青潭王都長沙魯王都兗從子靖江王都桂林皆據名藩控要害以分制海內至十一年復封蜀湘諸王國置相傳以下官屬與京師亞護衛精兵萬六千人牧馬數千匹其冕服則九旒九章車旂服飾僅下天子一等靖江歲祿雖薄冕服亦次而設官置衛宗廟社稷儼若親王天子之臣貴重至太師

丞相公侯不得與講分禮伏而拜謁可謂隆崇之極矣
親王之支子尚得為郡王郡王之支子始為鎮國將軍
從一品鎮國之子為輔國從二品輔國之子為奉國從
三品皆將軍奉國之子為鎮國中尉從四品鎮國之子
為輔國中尉從五品輔國之子為奉國中尉從六品自
是雖支庶皆得稱中尉不為齊民而親王之女稱郡主
尚之者曰儀賓從二品女自縣主郡君縣君鄉君儀賓自
三品至六品皆得襲冠帶享祿奉推恩可謂廣矣高皇

帝既厭羣臣太孫御歷而二十三王者皆叔父行以意行國中自如禮樂刑政幾不自上裁之則傷恩縱之則傷法於是齊黃以鼃大夫之謀進而掩襲時下僂辱繼之諸叔惴惴人不自保文皇因燕之成資奮戈南向僅三載而易大物雖神武絕倫猛將僂力蓋亦有天助焉高煦狃前勝宸濠乘國瑕用其螳螂之斧蛙黽之鼓而當伏軾不旋踵而糜碎雖順逆之理懸亦強弱異也所以云弱者護衛不設不得臣一切吏民進止機宜一切

不預百口之命仰給於縣官即小有淫泆越志者片紙
旦下而夕繫於請室百世之社頃屋之矣然而麟趾振
振螽斯日蕃殷之孫子其麗不億雖盡大農之賦不足
以養之而浮繫一城祿請不給仕宦永絕農商莫通於
是裨王不知南面之愉支子更起齊民之慕雖大司
馬之九伐可以無施而司農宗伯技殫筮困而無所措
手迺有請減歲祿者有限宮媵者甚而有限支子者要
之徒損天子親親之名而無益於大計愚竊以為海內

大省十有五六其得封者獨河南山東山西湖廣陝西
江西而已蜀僅有一王不足累自兩直隸及浙西三郡
財賦之地不可以開朱邸其他若閩若廣若滇若貴若
蜀之重順浙之東南諸望郡可以舉周晉代韓郡王而
下其困不給者分徙而居之官為量給道里居室之資
所徙非大國則其民易支所徙皆困宗則其人不戀土
奉國中尉而下止以築室取婦官給資裝而別立屬籍
不予冠帶不奉歲祿不限城野材者聽其補博士弟子

取科第不材者習四民之業以自給年至六十始與本品服優之諸儀賓自鎮國以上以品為冠服而亡奉廩輔國以下如齊民而不絕其仕路庶幾可以展轉而支百年夫踈不間親下不議上此在天子獨斷而行之非可以人臣與也易曰窮則變變則通通則久此又不可舍置弗講悉也作同姓諸王表

高帝
位下

秦存

晉存

燕今帝系

周存

楚存

齊革存系

潭絕

趙絕

魯存

蜀存

湘絕

代存

肅存

遼今革郡王以下存

慶存

寧今革郡王以下存

岷存

谷革絕

韓存

藩存

安絕

唐存

郢絕

伊今革郡王以下存

懿文
位下

虞絕

吳革

衡革

徐革

成祖
位下

漢絕

趙存

仁宗
位下

鄭存

邲見
帝系

越絕

斬絕

襄存

荆存

淮存

滕絕

梁絕

衛絕

英宗
位下

德存

許絕

秀絕

崇吉存

沂絕

徽
今革郡王
以下存

岐絕

憲宗
位下

興
帝見系

益
存

雍
絕

壽
絕

汝
絕

涇
絕

榮
存

申
絕

孝宗
位下

蔚
絕

睿宗
位下

岳
絕

世宗
位下

景絕

潁絕

戚絕

薊絕

均絕

穆宗
位下

靖絕

潞
存今

秦愍王榑太祖第二子母高皇后丙申年十一月十一
日生洪武三年四月初七日封十一年四月十一日之
國陝西西安府王有武略數將兵出塞有功見褒賞二
十八年三月二十日薨在位二十六年壽四十葬長安

鴻固原妃王氏元太傅中書右丞相河南王保保妹次
妃鄧氏衛國公寧河武順王愈女洪武四年十月十八
日冊封二十八年四月初四日王氏以死殉謚曰愍烈
合葬鴻固原子隱王尚炳以洪武十三年鄧妃生二十
八年嗣在位十八年永樂十年薨壽三十三妃劉氏子
僖王志垣永樂二年劉妃生十年嗣在位十三年二十
二年薨壽二十一無子庶兄懷王志均以永樂元年唐
夫人生二十二年以渭南王嗣在位三年壽二十四無

子庶弟康王志潔以永樂二年唐夫人生宣德三年以
富平王嗣坐罪削三護衛在位二十八年壽五十二妃
陳氏子惠王公錫以正統二年陳夫人生天順二年嗣
在位二十九年壽五十妃王氏繼妃楊氏沈氏庶一子
簡王誠泳天順二年次妃楊氏生弘治元年以鎮安王
嗣在位十一年壽四十一無子康王庶三子臨潼惠簡
王公銘子和僖王誠潔之子昭王秉機以弘治十四年
自臨潼王嗣惠簡進為安王和僖進為莊王昭王在位

二年以弘治十四年薨壽二十二妃盧氏子定王惟焯
弘治十二年次妃蕭氏生正德四年嗣在位三十六年
以嘉靖二十三年薨壽四十六妃崔氏無子安王庶一
子鎮國將軍追封臨潼王誠潤子輔國將軍秉柑子奉
國將軍惟嫌之庶二子宣王懷塔以嘉靖二十七年自
鎮國中尉嗣進臨潼為恭王輔國為順王奉國為端王
親弟敬鉞止為輔國中尉宣王在位十九年以嘉靖四
十五年薨壽四十三子闕王敬鎔隆慶三年自隆德王

嗣在位八年以萬曆四年薨壽三十六子今王闕嗣

晉恭王櫟太祖第三子母高皇后戊戌年十二月十八日生洪武三年四月初七日封十一年四月十六日之國山西太原府有武略數將兵出塞三十一年四月十六日薨在位二十九年壽四十一葬山西駝山妃謝氏左武傅進封永平侯成女嫡子定王濟熿以三十一年嗣永樂十二年以弟濟熿謫削爵濟熿尋襲洪熙元年復定王冠服宣德三年降濟熿為庶人錮鳳陽復定王

晉王位宣德十年薨王自封至薨總三十八年壽六十
一妃傅氏潁國公友德女嫡子憲王美桂以宣德十年
始繼封在位七年以正統六年薨壽四十三庶長子莊
王鍾鉉以正統七年自榆社王嗣在位六十一年以弘
治十五年薨壽七十五嫡長子世子竒源先薨壽五十
二嫡長子世孫表榮又先薨壽二十七嫡二子端王知
烺以弘治十六年自世曾孫嗣進世子為靖王世孫為
懷王端王即位三十一年以嘉靖十二年薨壽四十五

妃殷氏無子靖王次嫡子新化恭裕王表榘嫡子端和

王知燁之子簡王新塽以十五年自長子進嗣進恭裕

為安王端和為康王簡王在位三十九年以萬曆三年

薨壽六十無子以康王次子鎮國將軍新塹之子敬王

慎鏡以萬曆

關

年嗣本年薨壽

關

嫡長子關王以

萬曆

關

年嗣本年薨

周定王櫛太祖第五子母高皇后辛丑年九月初九日

生洪武三年四月初七日封吳王十一年正月初一日

改封周王十四年十月之國河南開封府二十二年棄
國來鳳陽遷之雲南未行還國建文元年竄雲南尋錮
京師五年復之國永樂十九年以嫌上還三護衛洪熙
元年閏七月二十日薨在位五十六年壽六十三葬均
州之明山妃馮氏征北大將軍宋國公勝女洪武十一年
正月初一日冊封永樂二十一年七月十四日薨合葬
明山子憲王有燉以宣德元年嗣少有孝行善為詩詞
工書法在位十四年以正統四年薨壽五十一無子庶

四弟簡王有燭正統四年自祥符王嗣在位十四年以
景泰三年薨壽六十一庶長子靖王子垕以景泰六年
嗣在位二年以七年薨壽三十五無子庶二弟懿王子
墜以天順元年自通許王嗣在位二十九年成化二十
一年薨壽六十三庶長子惠王同鑣以成化二十三年
自睢陽王嗣在位十二年以弘治十一年薨壽五十一
庶二子安瀕以世子薨壽二十一庶長子恭王睦藩以
弘治十四年自鎮國將軍嗣進世子為悼王恭王在位

三十八年以嘉靖十七年薨壽五十一嫡長子世子勤
熄先薨壽三十六子莊王朝垌以嘉靖十九年自世孫
嗣進世子為康王莊王在位十二年以三十年薨壽三
十一嫡長子今王在鉞嗣世子肅濤

楚昭王楨太祖第六子母昭敬太充妃胡氏甲辰年三
月初三日生洪武三年四月初七日封十四年四月二
十二日之國湖廣武昌府王有材器數將兵征五開諸
蠻被褒賞永樂二十二年二月二十二日薨在位五十

五年壽六十一葬靈泉山妃王氏定遠侯弼女洪武十二年正月初四日冊封三十年十一月初五日薨合葬靈泉山嫡第三子莊王孟烷以永樂二十二年嗣坐嫌革三護衛之二在位十六年以正統四年薨壽五十八庶長子憲王季垹以正統五年自武陵王嗣在位四年以八年薨壽三十一無子庶二弟康王季垵以正統九年自黔陽王嗣在位十九年以天順六年薨壽四十無子莊王庶三子東安王季垹之庶長子靖王均鎰以成

化元年嗣在位四十六年以正德五年薨壽六十一嫡
長子端王榮滅以正德七年嗣在位二十三年以嘉靖
十三年薨壽五十八庶長子愍王顯榕以嘉靖十五年
嗣在位十年以嘉靖二十四年為世子英耀弒壽四十
英耀逮赴京伏誅愍王庶三子恭王英燦以三十年嗣
在位二十一年以隆慶五年薨壽三十一有二子雙生
尚幼東安王顯梈攝府事

齊庶人博太祖第七子母定妃達氏丙午年十一月二

十九日生洪武三年四月初七日封為齊王十五年十月二十日之國山東青州府王有武力數委練兵而恣肆不檢建文二年遇訐逮繫京師四年復國永樂四年八月二十七日以反謀露削爵囚西內國除世子諸王俱為庶人宣德三年坐嫌并三子皆暴卒少子賢懌有子孫居南京妃吳氏安陸侯黔國威毅公復女無子再娶鄧氏寧河王愈女

渾王梓太祖第八子母定妃達氏洪武二年九月初闕

日生三年四月初七日封十八年十二月初三日之國
湖廣長沙府二十三年四月丙申坐妃家事自驚闔宮
焚死在位二十一年壽二十二無子國除妃於氏前軍
都督僉事顯女同焚

趙王杞太祖第九子母某氏洪武二年生明年四月封
又明年薨

魯荒王檀太祖第十子母寧妃郭氏洪武三年二月十
七日生四月初七日封十八年十一月十一日之國山

東兗州府二十二年十二月十六日薨在位二十年壽
如之王能詩聰明禮士而頗好服丹藥幸內故上責之
葬鄒縣九龍山妃湯氏信國公東甌襄武王和女洪武
二十年四月初十日冊封宣德八年三月二十五日薨
合葬九龍山庶長子靖王肇輝以永樂元年嗣恭謹有
賢聲在位六十四年以成化二年薨壽七十九妃嚴氏
嫡長子惠王泰堪以成化三年嗣在位七年以九年薨
壽六十三妃趙氏嫡長子莊王陽鑄以成化十二年嗣

在位四十八年以嘉靖二年薨壽七十六妃張氏嫡長子懷簡世子當從先薨壽三十三子世孫健杙又薨壽二十七嫡長子端王觀熾以嘉靖七年嗣進懷簡為懷王世孫為悼王端王在位二十二年壽三十庶長子頤坦以嘉靖二十九年自寶慶王嗣有賢聲

蜀獻王椿太祖第十一子母惠妃郭氏洪武三年三月十八日生十一年正月初一日封二十三年正月初一日之國四川成都府王好文學禮賢士有聲既發谷王

反謀以忠節顯數被褒賞永樂二十一年二月十一日
薨在位四十三年壽五十三葬成都府天回山妃藍氏
涼國公玉女洪武十八年九月十六日冊封二十七年
二月二十三日薨葬成都府威鳳山嫡長子悼莊世子
悅嫌薨嫡長子靖王友墳以永樂二十二年嗣坐嫌革
三護衛之一在位八年以宣德六年薨壽二十六無子
弟僖王友堦以宣德七年自羅江王嗣在位三年以宣
德九年薨壽二十六無子獻王庶第五子和王悅煥以

宣德十年自保寧王嗣在位二十七年以天順五年薨
壽六十六妃何氏嫡長子定王友瑛以天順七年嗣在
位一年以本年薨壽四十四妃蒯氏嫡長子懷王申鉞
以八年嗣在位八年以成化七年薨壽二十四無子庶
第三弟惠王申鑒以成化八年自通江王嗣在位二十
二年以弘治六年薨壽三十五嫡長子昭王賓瀚以弘
治七年嗣在位十五年以正德三年薨壽二十九子成
王讓栩以正德五年嗣在位三十八年以嘉靖二十六

年薨壽四十七庶長子康王承爚以嘉靖二十八年嗣
在位十年以三十七年薨壽三十四今王宣圻以四十
年嗣

湘獻王栢太祖第十二子母順妃胡氏豫章侯美女洪
武四年八月初八日生十一年正月初一日封十八年
己巳之國湖廣荊州府王有武力數同楚王將兵有功
能詩負俠聲建文元年有告反者遣使即訊王懼闔宮
自焚在位二十二年壽二十九謚戾永樂元年追諡獻

王妃吳氏靖海侯高女洪武十八年九月二十一日冊封與王同焚葬江陵西太暉山無子國除

代簡王桂太祖第十三子母惠妃郭氏洪武七年七月十八日生十一年正月初一日封豫王二十四年四月十三日改封代王二十五年十月二十五日之國山西大同府數以過聞正統十一年十二月十二日薨在位六十九年壽七十三葬採掠山妃徐氏中山武寧王達次女洪武二十三年十一月初四日冊封宣德二年五

月十七日薨合葬採掠山子悼戾世子遜熾先卒年二十六追贈戾世子庶長子隱王仕壘以正統十一年嗣在位十八年以天順七年薨壽五十一妃楊氏嫡長子惠王成鍊嗣以成化二年封在位二十四年以弘治二年薨壽五十二庶長子思王聰洙以武邑王坐法降為庶人尋復冠帶前一歲卒壽三十五庶長子懿王俊林嗣追封武邑為思王懿王在位三十九年以嘉靖六年薨壽四十八庶一子昭王充燿以嘉靖九年自泰順王

嗣在位十八年二十六年薨壽五十一庶一子恭王廷
琦嘉靖二十八年自泰興王嗣在位二十五年以萬曆
元年薨壽四十八庶一子今王爵鉉以萬曆三年自太
平王嗣

肅莊王模太祖第十四子母妃邸氏洪武九年九月二
十七日生十一年正月初一日封漢王二十四年四月
十三日改封肅王二十八年六月初三日之國陝西甘
州建文元年間移國蘭州永樂十七年十二月二十日

薨在位四十二年壽四十四葬金縣平地里妃孫氏指
揮使繼達女洪武二十七年十二月十七日冊封永樂
二十一年六月十五日薨葬王墳西子康王瞻炤以永
樂二十二年嗣在位四十一年以天順八年薨壽五十
九庶長子簡王祿埤以成化四年自洵陽王嗣在位十
二年以成化十五年薨壽五十二庶長子恭王貢鏊以
成化二十三年自汾川王嗣在位五十年以嘉靖十五
年薨壽八十一子安和世子真淤先薨壽五十二嫡二

子定王弼枕以嘉靖十八年嗣進安和為靖王定王在位二十四年以嘉靖四十一年薨壽六十三子世子縉炯先薨壽三十一庶一子懷王紳堵嗣進世子為昭王懷王在位二年壽十七無子靖四子鎮國將軍弼柿庶一子輔國將軍縉熾以本職理府事尋請封准襲仍食輔國將軍祿

遼簡王植太祖第十五子母妃韓氏洪武十年二月十五日生十一年正月初一日封衛王二十五年五月初

九日改封遼王二十六年五月十七日之國遼東三十
五年十一月十九日移國湖廣荊州府永樂二十二年
五月初八日薨在位四十七年壽四十八葬荊州府八
嶺山妃郭氏武定侯營國威襄公英女洪武二十九年
九月二十一日立薨未詳庶二子貴烺洪熙元年以長
陽王嗣在位十五年以正統四年坐罪削爵為庶人守
墳園景泰四年故壽五十二庶四弟肅王貴煖以正統
四年自興山王嗣在位三十三年以成化七年薨壽七

十三嫡長子靖王豪城以成化九年嗣在位六年以十四年薨壽五十嫡二子惠王恩鑑以成化十六年自申澤王嗣在位十六年以弘治八年薨壽四十四嫡長子恭王寵授以弘治十年嗣在位二十五年以正德十六年薨壽五十子莊王致格以嘉靖三年嗣在位十四年以十六年薨壽四十五庶一子庶人憲爝以十九年嗣在位二十七年以隆慶二年坐罪削爵錮高牆萬厯十年故壽五十七子為世子及王者皆廢遷楚府鈴東

慶靖王梅太祖第十六子母妃余氏洪武十一年正月初九日生二十四年四月十三日封二十五年五月初五日之國陝西韋州三十三年十二月二十一日移國寧夏仍避暑韋州正統三年八月初三日薨在位四十八年壽六十一葬韋州螺山妃孫氏指揮使繼達女洪武二十七年十月二十五日冊封永樂八年四月十八日薨合葬螺山庶長子康王秩燿以正統四年嗣請徙內地不許在位三十一年以成化五年薨壽五十五庶

一子懷王邃雖以成化七年自平涼王嗣在位九年以十五年薨壽三十五無子庶二弟莊王邃塤以十七年自岐陽王嗣在位十一年以弘治四年薨壽四十四庶長子恭王寘鏊以弘治七年自落交王嗣在位五年以十一年薨壽二十四子定王台浚以弘治十六年嗣正德五年以不能抗安化王革三護衛之一嘉靖四年降庶人留邸歲與祿三百石尋徙西安府用詔恩還邸與冠服嗣位四十九年以嘉靖三十年薨壽五十九復王

爵子端和世子壽楨先薨無子庶二弟惠王壽枋以三十
二年自桐鄉王嗣在位二十四年以萬曆二年薨壽
五十五子今王倪熾嗣

寧獻王權太祖第十七子母妃楊氏洪武十一年五月初
一日生二十四年四月十三日封二十七年三月二十
三日之國大寧都司永樂元年三月初二日移國江西
南昌府王有材略多智數博綜技藝以正統十三年九
月十五日薨在位五十八年壽七十一葬南昌府鍾陵

山妃張氏兵馬指揮泰女洪武二十七年十月十三日
冊封三十五年四月初九日薨合葬鍾陵山子莊惠世子
盤斌以正統二年先薨壽四十三子靖王奠培以正統
十四年嗣進莊惠為惠王靖王嗣之八年坐事革三護
衛又革祿米之半在位四十三年以弘治四年薨壽七
十四庶長子康王覲鈞以弘治五年自上高王嗣在位
六年以弘治十年薨壽四十九庶長子庶人宸濠以弘
治十二年自上高王嗣在位二十一年壽四十四以謀

反并其子俱伏誅

岷莊王梗太祖第十八子母妃周氏洪武十二年三月二十三日生二十四年四月十三日封二十八年之國雲南三十二年八月有罪削爵流漳州永樂元年五月初一日復爵之國與西平侯相訐有異謀居京師十八年十二月徙居北京二十二年十月二十四日之國湖廣武岡州景泰元年三月二十九日薨在位六十年壽七十二葬武岡城北同保山妃袁氏後軍都督洪女洪

武二十八年正月二十四日冊封永樂五年四月十三日薨葬南京太平門外蔣山嫡一子徽煥薨無子嫡弟恭王徽煥以景泰三年嗣在位十二年以天順七年薨壽六十四嫡長子順王音埒以成化元年嗣在位十六年以十六年薨壽五十一子簡王膺鉅以弘治元年嗣在位十三年以弘治十三年薨壽五十一庶長子靖王彥汰以弘治十七年自江陵王嗣坐法革爵為庶人尋復冠帶再以詔恩復爵在位四十一年以嘉靖二十三

年薨壽六十六子康王譽榮以二十五年嗣在位七年以三十一年薨壽五十七庶二子今王定耀嗣

谷庶人穗太祖第十九子母惠妃郭氏洪武十二年四月十四日生二十四年四月十三日封谷王二十八年三月十二日之國宣府靖難師起走還京尋以獻金川門功祿賞冠諸邸三十五年十二月初四日移國湖廣長沙府永樂十五年二月初六日以謀反為兄蜀王所發逮至京削爵錮西內在位二十七年尋以宣德三

年嫌并二子俱死壽五十妃周氏兵馬指揮鐸女

韓憲王松太祖第二十子母妃周氏洪武十三年五月
二十三日生二十四年四月十三日封未之國王恭謹
有文學永樂五年十月二十日薨在位十七年壽二十
八葬向山之原妃馮氏右都督誠女洪武二十九年七
月初一日冊封景泰二年正月二十日薨葬平涼府平
涼縣鸞鳳山嫡長子恭王冲煬以永樂八年嗣二十二
年之國陝西平涼府在位三十一年以正統五年薨壽

四十四庶一子懷王範圮以正統七年自開城王嗣在位三年以九年薨壽二十五無子庶二弟靖王範抑正統十一年自西鄉王嗣在位五年以景泰元年薨壽三十庶長子惠王徵針以景泰元年自高陵王嗣在位二十年以成化五年薨壽三十庶二子悼王偕沆以成化五年自廣安王嗣在位六年以十年薨壽二十無子庶三弟康王偕潛以成化十二年自彰化王嗣在位二十六年以弘治十四年薨壽四十二庶長子昭王旭櫬

以弘治十七年嗣在位三十一年以嘉靖十三年薨壽
五十一嫡二子定王融燧以嘉靖十五年嗣在位三十
年以嘉靖四十四年薨壽六十二子悼恭世子謨埏先
薨壽四十二嫡二子闕王朗錡以四十五年自鎮國將
軍嗣在位闕年以闕薨壽闕子今王璟浚嗣

藩簡王模太祖第二十一子母貴妃趙氏洪武十三年
八月初二日生二十四年四月十三日封永樂六年五
月初二日之國潞州宣德六年闕月闕日薨在位四

十一年壽五十二葬潞州東興縣妃張氏指揮傑女洪武二十九年八月初八日冊封永樂四年八月初五日薨葬南京聚寶門外石子岡庶長子康王佖煒宣德七年自武鄉王嗣在位二十六年以天順元年薨壽五十
一子莊王幼壻以天順三年嗣在位五十八年以正德十一年薨壽八十六有賢聲庶長子恭王詮鉦以正德十三年嗣在位十年以嘉靖六年薨壽五十九庶長子福山恭和王勛壯薨嫡二子脩楨又蚤卒莊王庶二子

靈川榮懿王詮鉢子恭裕王勛潛之嫡一子憲王肩移
以嘉靖十年自靈川王嗣進榮懿為安王恭裕為惠王
恭和為靖王肩禮為懷王憲王在位十九年以嘉靖二
十八年薨壽四十二嫡長子今王恬烱以三十年嗣

安惠王楹太祖第二十二子母妃關氏洪武十六年九

月二十二日生二十四年四月十三日封永樂六年十

月十九日之國陝西平涼府十五年八月二十九日薨在位

二十七年壽三十五妃徐氏中山武寧王達少女合葬於

城西之安國鎮以典仗校尉百人守之無子國除

唐定王桎太祖第二十三子母賢妃李氏洪武十九年九月十八日生二十四年四月十三日封永樂六年五月十二日之國河南南陽府十三年八月初六日薨在位二十五年壽三十葬南陽紫山妃吳氏黔國威毅公復孫女永樂二年八月初九日冊封十六年七月初二日薨合葬紫山嫡長子靖王瓊炆以永樂十九年嗣在位六年以宣德元年薨壽二十一妃高氏未冊自經死追

封合葬無子嫡三弟憲王瓊烜以宣德三年嗣在位四十八年以成化十一年薨壽六十四嫡二子悼簡世子芝璽薨無子嫡二弟莊王芝址以成化十三年自舞陽王嗣在位十一年以二十三年薨壽五十四庶長子成王彌錦以二十三年嗣在位三十五年以嘉靖二年薨壽六十四有賢聲無子庶三弟文城恭靖王彌鉗之子敬王宇溫以嘉靖四年自文城王嗣進恭靖為恭王敬王在位三十六年以嘉靖三十九年薨壽七十六庶二

子順王宙祿以嘉靖四十一年嗣在位三年以四十三年薨壽二十七庶一子今王碩熿嗣

郢靖王棟太祖第二十四子母惠妃劉氏洪武二十一年五月十七日生二十四年四月十三日封永樂六年六月二十一日之國湖廣安陸州十二年十月初二日薨在位二十四年壽二十七葬州之寶鶴山妃郭氏營國威襄公英女永樂三年十一月初二日冊封十二年十二月二十九日念王自經薨合葬寶鶴山無子國除

有女四人移居南京

伊厲王樸太祖第二十五子母麗妃葛氏洪武二十一年六月初六日生二十四年四月十三日封永樂六年五月十一日之國河南洛陽縣十二年九月二十五日薨在位二十四年壽二十七葬洛陽魏山妃劉氏左軍都督貞女永樂三年十一月初二日冊封景泰二年二月二十日薨合葬魏山庶一子簡王顥炆以永樂二十一年嗣在位四十年以天順六年薨壽五十庶一子

洛陽王勉堡之子悼王諱釵以成化二年嗣進洛陽為
安王悼王在位十年以成化十一年薨壽二十五無子
嫡四弟定王諱鏐以成化十二年自郟城王嗣在位三
十三年以正德三年薨壽五十四子莊王諱淵以正德
六年嗣在位十六年以嘉靖五年薨壽四十九無子庶
二弟敬王諱淳以嘉靖六年自濟源王嗣在位十六年
以二十一年薨壽六十三庶長子庶人典樸以二十三
年嗣

弇山堂別集卷三十二

欽定四庫全書

弇山堂別集卷三十三

明 王世貞 撰

親王

虞懷王雄煥懿文皇太子長子母妃常氏開平忠武王
遇春女洪武七年十月己未生十五年五月朔日薨年
十四追冊封謚葬鍾山

吳王允烜懿文皇太子第三子母妃常氏開平忠武王

遇春女洪武十年十一月

闕

日生三十一年封杭州

未之國建文四年七月靖難後降封廣澤王居福建漳
州九月即召還京削爵為庶人永樂十三年卒在位五
年壽三十九天順四年出庶人之錮鳳陽者但有老婦
女五六人

衡王允熲懿文皇太子第四子母妃

闕

氏闕

女洪武

闕

年

闕

生三十一年封未之

國建文四年七月降封懷恩王居江西建昌府九月即

召還廢為庶人

徐王允熲懿文皇太子第五子母妃關氏

關

女洪武二十四年六月

關

日生三十一年封未

之國建文四年七月降封敷惠王隨母呂太妃居太子陵永樂二年改封甌寧王未遣之國四年二月邸中忽火起暴卒年十六追謚哀簡

漢庶人高煦成祖第二子母仁孝皇后徐氏洪武十三年十二月初四日生二十八年封高陽郡王永樂二年

四月初四日進封漢王國於雲南改青州俱不行十五年三月二十日之國樂安州削兩護衛宣德元年九月初六日謀反降之削爵錮西內不良死妃韋氏及九子俱從死世子瞻先卒

趙簡王高燧成祖第三子母仁孝皇后徐氏洪武十五年十二月十六日生永樂二年四月初四日封洪熙元年四月十六日之國河南彰德府宣德元年盡獻三護衛六年八月閏日薨在位二十八年壽五十葬安陽

縣壽安山妃沐氏黔國公晟女永樂九年十二月十九日冊封二十一年十二月二十五日薨二十二年十月初八日冊翁氏為妃常山中護衛鎮撫司陸女正統五年六月二十一日薨合葬壽安山子悼僖世子瞻拔先薨無子嫡弟惠王瞻塙宣德七年自安陽王嗣在位二十三年以景泰五年薨壽四十三嫡長子悼王祁鉉以景泰六年嗣在位六年以天順五年薨壽三十一庶長子靖王見濬以成化元年嗣坐罪革冠服削祿米三

之二後復冠服在位三十八年以弘治十五年薨壽五十庶三子莊王祐採以弘治十六年自清流王嗣在位十六年以正德十三年薨壽四十三嫡長子康王厚煜以十六年嗣有賢聲在位四十年以嘉靖三十九年薨壽六十三庶一子獲嘉昭定王載培薨子翊錨以二十年進封世孫三十八年又薨年二十三子今王常清以四十四年嗣進昭定為恭王世孫為安王

皇第四子高熾洪武二十四年十二月二十四日庶生

未及封薨

鄭靖王瞻埈仁宗第二子母賢妃李氏永樂二年二月十七日生二十二年十月十一日封宣德四年之國陝西鳳翔府正統九年間移國河南懷慶府成化二年四月二十六日薨在位四十三年壽六十三葬紅松山妃張氏中城兵馬指揮本女宣德二年十月初六日冊封正統七年十一月初四日薨合葬紅松山嫡長子簡王祁鏌以成化四年嗣在位二十八年以弘治八年薨壽

六十五嫡長子世子見滋以成化十五年薨年二十八
嫡長子康王祐杓以弘治十年嗣進世子為僖王康王
在位十一年以正德二年薨壽三十四無子簡王庶四
子東垣端惠王見湏嫡一子懿王祐樸以正德四年嗣
進端惠為定王懿王在位十三年以十六年薨壽三十
八嫡四子今王厚烷以嘉靖六年嗣二十七年上疏諫
上真修削爵錮鳳陽高牆隆慶元年復國歲加祿四百
石今尚存

越靖王瞻墉仁宗第三子母誠孝昭皇后張氏永樂三年正月初十日生二十二年十月十一日封建國浙江衢州府未之國正統四年六月二十六日薨在位十六年壽三十五葬白水峪妃吳氏南城兵馬指揮昇女宣德三年四月十五日冊封正統四年七月十九日殉節薨謚貞惠合葬白水峪無子國除

靳獻王瞻垠仁宗第四子母

闕

永樂

四年

闕

日生二十年十月十三日薨未娶二十

二年間追冊封諡

襄憲王瞻塘仁宗第五子母昭皇后永樂四年三月十六日生二十二年十月十一日封宣德四年八月初三日之國長沙府正統元年七月十一日移國襄陽府王有賢聲凡再朝英宗特賜護衛成化十四年正月十六日薨在位五十五年壽七十三葬穀城縣永安山妃靖氏東城兵馬指揮安女宣德二年十月初六日冊封成化十九年正月二十四日薨合葬永安山嫡長子定王

祁鏞以成化十五年嗣在位十年以弘治元年薨壽六十庶長子簡王見淑以弘治二年嗣在位二年以弘治三年薨壽四十庶長子懷王祐材以弘治四年嗣在位十四年以十七年薨壽三十一無子庶二弟康王祐楨以正德三年自光化王嗣在位四十三年以嘉靖二十九年薨壽七十六無子定王庶二子陽山恭和王見滂子榮康王祐楬之庶一子莊王厚頰以嘉靖三十一年嗣進恭和為恭王榮康為惠王莊王在位十五年以四十

五年薨壽三十六庶一子今王載堯隆慶二年以安福王嗣

荆憲王瞻垌仁宗第六子母貞靜順妃張氏永樂四年九月二十四日生二十二年十月十一日封宣德四年八月初三日之國江西建昌府正統十年三月移國湖廣黃州府蘄州景泰四年十一月十三日薨在位三十年壽四十八葬策山妃周氏西城兵馬指揮義女宣德二年十二月初三日冊封成化二十一年六月二十六

日薨葬大象山嫡長子靖王祁鎬以景泰六年嗣在位
七年以天順五年薨壽三十一子見瀟嗣在位二十九
年弘治五年以罪削爵降庶人安置武昌再以罪名至
京勒自盡年四十六弟都梁悼惠王見溥嫡長子和王
祐櫛以弘治七年自都梁王嗣在位十一年弘治十七
年薨壽三十四子端王厚烜以正德二年嗣有賢聲在
位四十六年以嘉靖三十二年薨壽六十一庶一子永
定端穆王載堉嫡長子恭王翊鉅以三十四年嗣進端

穆為莊王恭王在位十六年以隆慶四年薨壽三十七
世子常泠先以罪廢嫡次子今王常浚以泰寧王進封
嗣

淮靖王瞻墺仁宗第七子母賢妃李氏永樂七年正月
十三日生二十二年十月十一日封宣德四年八月初
三日之國廣東韶州府十年八月十五日移國江西饒
州府正統十一年十一月十二日薨在位二十三年壽
三十八葬鄱陽縣安山妃蕭氏南城兵馬指揮忠女宣

德二年十一月初四日冊封天順四年八月初四日薨合葬安山嫡長子康王祁銓以正統十三年嗣在位五十五年以弘治十五年薨壽六十八子安懿世子見濂先薨壽二十四無子庶二弟清江端裕王見澱嫡一子定王祐榮嗣進安懿為安王端裕為端王定王以弘治十八年嗣在位二十年以嘉靖三年薨壽三十無子庶二弟莊王祐檉以嘉靖四年自鎮國將軍嗣在位十三年以十六年薨壽三十八嫡長子憲王厚燾以嘉靖十八

年嗣在位二十五年以四十二年薨壽四十五子今王載坫以四十四年嗣

滕懷王瞻埴仁宗第八子母恭肅貴妃郭氏永樂七年

十月

閏

日生二十二年十月十一日封建國雲南未

行洪熙元年閏七月十三日薨在位二年壽十七謚懷
葬京師西山無子國除

梁莊王瞻埴仁宗第九子母恭肅貴妃郭氏永樂九年六
月十七日生二十二年十月十一日封宣德四年八月

初三日之國湖廣安陸州正統六年正月十二日薨在
位十八年壽三十一葬安陸之瑜靈山妃紀氏安慶衛
指揮詹女宣德二年九月十八日冊封三年六月初四
日薨葬順天府韋溝山宣德八年十月初七日冊封繼
妃魏氏南城兵馬指揮亨女景泰二年薨合葬瑜靈山
無子國除

衛恭王瞻埏仁宗第十子母恭肅貴妃郭氏永樂十四
年十二月二十二日生二十二年十一月十一日封建

國河南懷慶府未行正統三年十二月十八日薨在位十五年壽二十三葬順天府豹里山妃楊氏東城兵馬指揮順女正統二年七月初六日冊封三年十二月二十九日殉節薨謚貞烈合葬豹里山無子國除

德莊王見潋英宗第二子母宸妃萬氏正統十三年四月初五日生初名見清景泰三年五月初三日封榮王天順元年三月初六日更今名改封德王成化三年二月十七日之國山東濟南府正德十二年八月二十二

日薨在位六十六年壽七十葬長清縣青崖山妃劉氏武功衛正
千戶忠女成化元年五月二十八日冊封弘治六年十二月初三
日薨合葬青崖山子懿王祐榕劉妃次子正德十六年嗣嘉靖十
八年薨在位十九年壽六十九子懷順世子厚燉以嘉靖十三年
薨壽三十五子載塏次妃郭氏生以嘉靖二十年嗣進懷順為懷
王王在位三十四年以萬歷二年薨壽四十六嫡長子今王翊闕嗣
皇第三子見浞母宸妃萬氏正統十四年七月十四日
生景泰二年八月初五日薨未封

許悼王見淳英宗第四子母惠妃王氏景泰元年二月二十一日生三年五月初二日封十一月二十四日薨在位七月年三歲葬西山

秀懷王見澍英宗第五子母淑妃高氏景泰三年二月二十一日生於南宮天順元年三月初六日封成化六年九月初七日之國河南汝寧府有賢聲八年九月二十二日薨在位十六年壽二十一葬京城之西山妃王氏中城兵馬指揮昱女成化三年十月十五日冊封九

年五月初九日薨合葬西山無子國除

崇簡王見澤英宗第六子母孝肅皇后周氏景泰六年四月十六日生於南宮天順元年二月初六日封成化十年三月初五日之國河南汝寧府弘治十八年七月二十八日薨在位四十九年壽五十一葬確山縣蟠龍山妃余氏南城兵馬指揮信女成化七年四月初六日冊封十年十月二十八日薨合葬蟠龍山嫡第一子靖王祐楹以正德三年嗣在位四年以六年薨壽三十嫡

長子恭王厚燿以正德九年嗣在位二十四年以嘉靖十六年薨壽三十七葬蟠龍山簡靖恭三王並有賢聲而恭孝友尤著嫡長子莊王載境以嘉靖十八年嗣在位十九年以三十六年薨壽四十葬蟠龍山嫡長子今王翊鏘嗣

吉簡王見浚英宗第七子母宸妃萬氏景泰七年六月初九日生天順元年三月初六日封成化十三年九月十九日之國湖廣長沙府嘉靖六年七月二十日薨在

位七十一年壽七十二葬善化縣關山妃張氏金吾左
衛指揮使通女成化十年四月二十日冊封二十一年
六月初二日薨合葬關山庶第一子悼莊世子祐扶以
正德五年先薨年三十二庶第一子定王厚熜以嘉靖
八年嗣進悼莊為悼王定王在位十一年以十八年薨
壽三十一庶第一子端王載均十九年以光化王嗣在
位二十二年以四十年薨壽三十五嫡子莊王翊鎮以
四十二年嗣在位八年以隆慶四年薨年十七無子庶

長兄龍陽王翊鑒以隆慶六年進封

忻穆王見治英宗第八子母宸妃萬氏天順二年閏二月初四日生成化二年八月十二日封未之國八年二月二十四日薨在位七年年十五葬西山未娶

徽莊王見沛英宗第九子母德妃韋氏天順六年二月初二日生成化二年八月十二日封十七年三月初一日之國河南鈞州弘治十八年五月十二日薨在位四十年壽四十四葬城西石峽峪妃黃氏神策衛指揮僉

事昱女成化十三年十一月十一日冊封薨日未詳合葬石峽峪庶第一子簡王祐檯以正德三年嗣在位十八年以嘉靖四年薨壽四十四庶第一子恭王厚燾以嘉靖五年嗣在位二十五年以嘉靖二十九年薨壽四十五庶第二子載堦以三十年嗣在位五年有罪削爵自殺年三十一子七人俱從削國除

岐惠王祐楡憲宗第五子母邵皇后成化十四年十月十八日生二十三年七月十一日封弘治八年二月十

一日之國湖廣德安府十四年十月二十三日薨在位十五年壽二十四葬京城翠微山妃王氏中城兵馬指揮詢女弘治六年四月十八日冊封十四年七月初八日薨合葬翠微山無子國除

益端王祐楨憲宗第六子母莊懿德妃張氏成化十五年正月初四日生二十三年七月十一日封弘治八年八月二十五日之國江西建昌府嘉靖十八年八月二十四日薨在位五十三年壽六十一葬城南金華山妃

彭氏中城兵馬指揮倫女弘治七年二月初三日冊封
薨日未詳合葬城南金華山子莊王厚煜以嘉靖二十
年嗣在位十六年以三十五年薨壽五十九有賢聲無
子弟恭王厚炫以嘉靖三十六年自崇仁王嗣在位二
十五年壽八十二有賢聲崇仁長子載增先卒壽闕十
子世孫翊釗以萬曆闕年嗣進封長子為昭王

衡恭王祐樺憲宗第七子母莊懿德妃張氏成化十五
年閏十月二十五日生二十三年七月十一日封弘治

十二年

闕月

日之國山東青州府嘉靖十七年八

月初七日薨在位五十二年壽六十葬臨朐縣三陽山

妃沈氏南城兵馬指揮雄女弘治八年八月二十一日

冊封薨日未詳合葬臨朐三陽山庶第一子莊王厚燾

以十九年嗣有賢聲在位三十三年以隆慶六年薨壽

七十一庶第二子

闕

王載圭以萬歷五年嗣在位四年

以萬歷八年薨壽四十五

雍靖王祐樞憲宗第八子母孝惠太皇太后邵氏成化

十七年六月初三日生二十三年七月十一日封弘治
十二年八月十二日之國湖廣衡州府正德二年正月
初五日薨在位二十一年壽二十七葬京城之西山妃
吳氏錦衣衛都指揮僉事玉女弘治十年四月初八日
冊封正德十四年八月二十四日薨合葬西山無子國
除

壽定王祐楮憲宗第九子母端懿安妃姚氏成化十七
年十一月十二日生弘治四年八月十五日封十一年

九月十五日之國四川保寧府十七年五月二十五日

移國湖廣德安府嘉靖二十四年

閏月

日薨在位

五十五年壽六十五薨於金山妃徐氏東城兵馬指揮

諭女弘治十年十二月十八日冊封正德七年閏五月

十八日薨葬應山縣石龍山無子國除

憲宗第十子成化十九年七月十七日生本年九月初

七日薨

汝安王祐棹憲宗第十一子母莊懿德妃張氏成化二

十年九月二十四日生弘治四年八月十五日封十四

年九月十九日之國河南衛輝府嘉靖二十年閏月

閏

日薨在位五十一年壽五十八葬

閏

妃李氏

南城兵馬指揮長春女弘治十二年三月二十日冊封

閏

年薨合葬京城外之西山無子國除

涇簡王祐楫憲宗第十二子母恭妃楊氏成化二十一

年三月十六日生弘治四年八月十五日封十五年四

月十一日之國山東沂州嘉靖十六年六月初四日薨

在位四十七年壽五十三葬京城外之西山妃曹氏東城兵馬指揮闕女弘治十三年三月二十三日冊封嘉靖九年八月初四日薨繼妃魏氏東城兵馬指揮汝卿女嘉靖十二年正月二十四日冊封俱合葬西山無子國除

榮莊王祐樞憲宗第十三子母康順端妃潘氏成化二十一年十二月十七日生弘治四年八月十五日封正德三年三月初一日之國湖廣常德府嘉靖十八年正

月二十八日薨在位四十九年壽五十五葬武陵縣大
龍山妃劉氏東城兵馬指揮洪女弘治十四年二月二
十五日冊封正德七年十二月二十三日薨合葬大龍
山嫡長子懷穆世子厚勲先薨年三十嫡長子今王載
瑾嗣進懷穆為懷王

申懿王祐楷憲宗第十四子母恭妃楊氏成化二十三
年正月初十日生弘治四年八月十五日封建國四川
敘州未之國十六年七月二十九日薨在位十三年壽

十七葬京城西蘭山妃項氏東城兵馬指揮泰女弘治四年十一月二十日冊封薨日未詳合葬蘭山無子國除

蔚悼王厚煒孝宗次子母孝康敬皇后張氏弘治七年十二月初五日生九年二月二十五日薨追封蔚王謚悼葬京西金山

岳懷王厚熙睿宗長子母獻皇后蔣氏弘治十三年六月十二日生纔五日薨葬趙家山

承天府

嘉靖四年九月

初十日追封岳王謚懷三十九年四月始賜名

景恭王載圳世宗第四子母靖妃盧氏嘉靖十六年二月二十九日生十八年二月初一日封四十年三月十六日之國湖廣德安府四十四年正月初九日薨在位二十七年壽二十九葬金山無子國除

潁殤王載塏世宗第五子母肅妃江氏嘉靖十六年八月初五日生次日薨追封潁王謚曰殤葬西山

咸懷王載堅世宗第六子母懿妃趙氏嘉靖十六年八

月二十八日生十七年七月十一日薨追封賜謚葬西山

薊哀王載堦世宗第七子母雍妃陳氏嘉靖十六年十二月二十九日生十七年正月十五日薨追封賜謚葬金山

均思王載珮世宗第八子母榮嬪趙氏嘉靖十八年閏七月初十日生十九年三月初十日薨追封賜謚葬金山

靖悼王翊

闕

穆宗第三子母慈聖太后李氏

闕

日生初封藍田王

闕

堯隆

慶元年追今封賜謚葬金山

潞王翊

闕

穆宗第四子母慈聖皇太后

闕

邠哀王常

闕

今上第二子母曰

闕

以萬曆十二

年十二月十九日生即逝照潁殤王例賜贈謚葬金山

郡王

太祖以上郡王宗系

六二公者五世祖重八公長子德祖之伯兄也

千十公者重八公仲子德祖之仲兄也

四五公者德祖長子懿祖之伯兄也

初二公者懿祖第二子熙祖之仲弟也

初五公者懿祖第三子熙祖之叔弟也

初十公者懿祖第四子熙祖之季弟也

壽春王者五一公熙祖長子仁祖之伯兄也夫人劉氏

子三長子霍丘王重一公夫人翟氏子二曰高沙王賽
哥寶應王鐵哥第二子下蔡王重二公無子第三子安
豐王重三公夫人趙氏子四曰六安王轉兒來安王記
兒都梁王臊兒英山王潤兒

五二公者熙祖第二子仁祖之仲兄也不及封

豫章王

後定為
南昌

興隆曰重四公仁祖第一子太祖伯兄

也夫人王氏有子二長曰山陽王聖保無後次文正娶
樞密院判官謝再興女文正從渡江為樞密院同僉尋

擢大都督府大都督統兵守南昌有功後得罪廢徙暴卒子煒初名鐵柱後改名守謙洪武三年封靖江王賜冠服祿如郡王官屬如親王九年之國桂林府有罪名還京師徙國雲南再得罪安置鳳陽復不悛撻而錮之二十五年卒子悼僖王贊儀復爵薨壽二十七子莊簡王佐敬嗣薨壽六十六子相承以長子先卒壽三十一子昭和王規裕嗣進長子為懷順王昭 and 薨壽三十七子端懿王約麒嗣薨壽五十一子安肅王經扶嗣薨壽

三十子恭惠王邦寧嗣壽六十一子

闕

王任昌嗣薨

壽五十一子

闕

嗣

盱眙王興盛曰重六公仁祖第二子太祖仲兄也夫人唐氏子一曰招信王旺兒

臨淮王興祖曰重七公仁祖第三子太祖叔兄也夫人劉氏無子

弇山堂別集卷三十三

欽定四庫全書

弇山堂別集卷三十四

明 王世貞 撰

郡王

太祖以下郡王宗系

秦府永興簡懿王尚烈愍第二子鄧妃生洪武己巳年甫
六歲太祖召至京育於禁中寵愛甚至永樂元年二月
十八日冊封之國陝西鞏昌府比至兄隱王請留西安

以敦同氣十五年薨壽三十四子恭憲王志璞十九年
封景泰五年薨壽四十八子昭僖王公鈺景泰六年嗣
薨壽六十一子榮惠王誠瀾弘治四年嗣薨壽六十四
無子從姪莊定王秉櫟以奉國將軍正德六年嗣薨子
今王惟燿以嘉靖十七年封自陳父原係奉國將軍進
襲上准王終身以四十四年薨其後世以本職奉祀
保安懷僖王尚煜愍第三子五歲時與兄永興同被召
永樂元年冊封是年九月之國陝西臨洮府以長兄隱

王奏同永興俱留西安壽二十五薨子悼順王志垌嗣
薨壽二十六子莊簡王公鏐嗣薨壽四十一子榮穆王
誠潢嗣薨壽三十五無子弟昭和王誠淶嗣薨壽三十
五無子弟靖和王誠澈嗣薨壽五十三子恭懿王秉棧
嗣薨壽五十二子鎮國將軍惟煊因祖冒襲准父一輩
惟煊遞降奉國將軍奉祀

興平恭靖王尚炳愍第四子薨壽七十一子莊惠王志
堧嗣壽三十七薨子安僖王公鏐嗣薨壽二十九無嗣

除

永壽懷簡王尚烜愍第五子薨壽二十九絕五十年子
安惠王志埴始嗣一年薨壽五十五子康定王公鉶嗣
一年薨壽三十五子莊僖王誠淋嗣薨壽三十四子恭和王
秉欉嗣薨壽六十一子鎮國將軍惟燿先卒子榮靖王
懷塏嗣進鎮國為懷順王榮靖王薨壽二十六子今王
敬鏞嗣

安定王尚炆愍第六子永樂十六年坐臯廢為庶人安

置泗州宣德末赦守愍王墳故壽四十四國除無後

宜川莊靖王志堡隱第三子薨壽三十六子榮順王公
銳嗣薨壽四十九子康僖王誠灌嗣薨壽四十七子思
裕王秉樞嗣薨壽三十三無子除

臨潼惠簡王公銘康第三子以宣德六年生正統七年
封成化十年薨壽四十四子和僖王誠源嗣薨壽四十
子秉機嗣秦王惠簡為安王和僖為莊王

邵陽惠恭王公鏜康第四子薨壽四十子溫穆王誠泓

嗣薨壽四十無子弟悼安王誠澮嗣薨壽四十九子安
僖王秉檟嗣薨壽二十五無子除

汧陽端懿王公鎔康第五子薨壽六十子安裕王誠冽
嗣薨壽四十五子莊靖王秉榛嗣薨壽六十四無子除

鎮安王誠泳惠第二子進封秦王隆德王宣王長子進
封

晉府高平懷簡王濟煜恭第二子封國平陽薨無子國
除

平陽王濟熿恭第三子進封晉王尋罪廢

慶成莊惠王濟炫恭第四子封國汾州薨壽四十六子
恭僖王美靖嗣薨壽四十九子溫穆王鍾鎰嗣薨壽六
十三子端順王奇湏嗣薨壽八十子恭裕王表樂嗣仁
孝好禮薨壽八十七子安穆王知煥嗣薨壽七十四長
子新堤先卒壽四十三子今王慎鍾嗣

寧化懿簡王濟煥恭第五子薨壽六十四子僖順王美
壤嗣薨壽六十子鍾鈞嗣以罪幽卒壽五十二子長子

奇隱亦卒年二十五子康和王表櫟嗣進長子為悼康
王康和薨壽六十八子今王知燼嗣

永和昭定王濟煨恭第六子封國汾州薨壽五十六子
美塢嗣以罪取回京卒子順僖王鍾缺嗣薨壽三十子
榮懷王奇清嗣薨壽二十六子靖惠王表栴嗣薨壽三
十九子安簡王知燠嗣薨壽五十二子闕王新堽嗣
薨今王慎鐸嗣

廣昌悼平王濟煊恭第七子薨壽三十四子安僖王美

堅嗣薨壽三十四無子國除

交城榮順王美垸定第二子國平陽薨壽六十九子莊
僖王鍾鐻嗣薨壽六十一子榮惠王奇湑嗣薨壽四十
三無子莊僖第三子鎮國將軍奇瀟子榮端王表杕嗣
進鎮國為榮僖王榮端薨無子莊僖第六子鎮國將軍
奇泓子端和王表柘嗣進鎮國恭簡王端和自陳冒封
准終身王薨壽五十九爵除

陽曲榮靖王美垸定第三子國平陽薨壽

闕

子鍾

鎮嗣以罪廢除子孫以鎮國將軍遞降管府事

西河靖恭王美埏定第四子國平陽薨壽四十六子順簡王鍾鐸嗣薨壽五十四子恭定王奇溯嗣時尚幼即知孝世宗嘉之薨壽七十六子今王表相嗣亦克於孝方山莊憲王美坦定第五子薨壽六十四子昭僖王鍾鋌嗣以罪革除卒壽六十四子孫以鎮國將軍遞降理府事

臨泉莊簡王美塔定第六子薨壽三十三子悼昭王鍾

鏌嗣薨壽二十九子榮穆王竒渾嗣薨壽五十三子表
杓未嗣卒壽四十四子知燠嗣卒壽十七追封莊靖王
無子除

雲丘簡靖王美瑀定第七子薨壽六十一子端惠王鍾

鋌嗣薨壽

闕

子恭僖王竒渲嗣壽六十九子

闕

王表樟嗣薨壽四十二無子除

寧河康僖王美瑀定第八子薨壽五十六子安憲王鍾
鏌嗣薨壽三十八子溫簡王竒沅嗣薨壽六十四子榮

莊王表楠嗣薨壽五十一子今王知夏嗣

徐溝悼僖王鍾鐸憲第二子薨壽二十五無子除

河東昭靖王鍾鏹憲第三子薨壽三十二子榮安王竒

淮嗣薨壽六十三子表枋以鎮國將軍先卒壽三十五

子榮懿王知炯嗣進鎮國為恭憲王榮懿薨壽六十六

子端穆王新墳嗣薨壽四十九子今王慎鍵嗣

太谷懷僖王鍾鉉憲第四子薨壽十九無子除

義寧榮康王竒洪莊第二子薨壽四十七子僖裕王表

櫬嗣薨壽四十二子端靖王知赫嗣薨壽三十七子康
定王新塏嗣薨壽四十八子今王慎鑠嗣

河中悼懷王奇溶莊第三子薨壽三十一子康簡王表
梈嗣薨壽五十六子今王知炬嗣

襄陰安惠王奇潒莊第四子薨壽三十八子宣懿王表
健嗣薨壽二十七無子除

新化恭裕王表謙靖第二子薨壽三十三子端和王知
卿嗣薨壽二十九子新塏進封晉王除

安溪懷僖王表桷靖第三子以鎮國將軍卒壽二十三
追封王無子除

靖安端僖王表秩靖第四子薨壽六十五子今王知燾
嗣

旌德懷安王表楷靖第五子薨壽四十二子榮穆王知
燾嗣薨壽六十一無子除

榮澤安懿王表櫟靖第六子薨壽三十七子端簡王知
燾嗣薨無子除

周府汝南王有勲定第二子以罪削爵壽三十九除

順陽懷莊王有烜定第三子封國汝寧薨壽二十五無

子除

新安王有熹定第五子以罪削爵壽三十七

闕

永寧靖僖王有光定第六子薨壽七十二子安惠王子

場嗣薨壽五十五子莊和王同釵嗣薨壽

闕

子榮穆

王安法嗣薨壽五十三子恭定王睦樵嗣薨壽三十九子

端順王勤燭嗣薨壽二十九子惠莊王朝埴嗣薨壽四

十一子今王在鏜嗣

汝陽恭僖王有燁定第七子薨壽四十七子安憲王子
望嗣薨壽五十子安和王同銍嗣薨壽七十四子康肅
王安復嗣薨壽五十八子宣思王睦謹嗣薨壽四十一
子榮定王勤炆嗣薨壽三十九子今王朝堆嗣

鎮平恭靖王有熿定第八子王攻習書翰并騎射毬毬
繪畫諸藝各臻其妙性喜吟咏有德善著述作道統論
歷代賢王傳壽七十二薨子榮莊王子堦嗣薨壽五十

八子端裕王同璽嗣薨壽四十一子昭順王安沔嗣薨
壽三十一無子爵除以從兄子睦欄奉祀

宜陽康簡王有煇定第九子薨壽七十無子除

遂平悼恭王有頴定第十子薨壽三十二子榮靖王子
撫嗣薨壽四十七子恭安王同鏐嗣薨壽四十一子康
惠王安洛嗣薨壽七十七子鎮國將軍睦檠先卒壽四
十二子今王勤燿嗣進鎮國為端靖王

封丘康懿王有煊定第十一子薨壽六十一子溫和王

子樹嗣薨壽六十七子僖順王同銘嗣薨壽三十八子
端惠王安湜嗣薨壽四十二子肅安王睦誅嗣薨壽三
十五子今王勤烜嗣

羅山悼惠王有燬定第十三子薨壽二十三無子除

內鄉恭莊王有燬定第十三子薨壽五十六子鎮國將
軍子埏先卒壽二十七子溫穆王同錕嗣進鎮國為懷
靖王溫穆薨壽四十八子溫定王安潼嗣薨壽五十三
子莊順王睦楫嗣薨壽四十四子今王勤烜嗣

胙城莊簡王有燾定第十四子薨壽四十三子榮順王
子據嗣薨壽四十三子昭僖王同鑒嗣薨壽四十子宣
靖王安濶嗣薨壽四十九子恭懿王睦梔嗣薨壽四十
子今王勤燂嗣

固始王有闕定第十五子無子除

原武安懿王子埈簡第三子薨壽四十子康僖王同鑒
嗣薨壽四十八子恭順王安淇嗣薨壽七十七子今王
睦櫛嗣

鄢陵安僖王子堅簡第四子薨壽六十一子靖簡王同
鏐嗣薨壽七十子宣僖王安沅嗣薨壽六十八子今王睦
枸嗣樂善孝友年七十二時世宗嘉之今九十餘

河陰懷僖王子壘簡第五子薨壽二十一子康簡王同
鏐嗣薨壽五十七子莊定王安沅嗣薨壽七十一子恭
肅王睦橘嗣薨壽六十三今王勤炆嗣

項城恭和王子堰簡第七子薨壽五十四無子除
泌陽悼和王子埏簡第八子薨壽十八無子除

賴川溫僖王子墟簡第九子薨壽四十九子榮莊王同鎭
嗣薨壽五十六子鎮國將軍安潛先卒子今王睦棹嗣
汝南悼和王子挑簡第十子薨壽十八無子除

義陽康靖王子圻簡十一子薨壽五十六子榮安王同
鏐嗣薨壽三十子恭端王安波嗣薨壽三十九子今王睦
標嗣

汝陰懷懿王子掩簡十二子薨壽三十無子除

臨汝端懿王子埽簡十三子薨壽五十子恭康王同銜

嗣薨壽五十三子今王安詩嗣

沈丘榮戾王同鏐懿第二子薨壽五十五子靖和王安
涪嗣薨壽五十八子榮定王睦栲嗣薨壽五十一子今
王勤燭嗣

上洛莊惠王同錄懿第三子薨壽四十五子榮僖王安
讓嗣薨壽五十六子康裕王睦楫嗣薨壽四十四子今
王勤諱嗣

魯陽恭惠王同銳懿第四子薨壽六十六子靖肅王安

永嗣薨壽六十四子鎮國將軍睦祉先卒子今王勤灰
嗣進鎮國為安定王

臨湍榮惠王同鈞懿第五子薨壽三十二子瑞簡王安
沈嗣薨壽四十三子莊毅王睦榮嗣薨壽二十八子端

靖王勤綏嗣薨壽闕十八

堵陽安僖王同鈺懿第六子薨壽八十三子鎮國將軍
安濟先卒壽五十六子輔國將軍睦檣亦卒壽二十九
子今王勤燄嗣進鎮國為榮憲王輔國為康裕王

河清昭和王同鏞懿第七子薨壽三十一子端穆王安
次嗣薨壽十六無子弟莊憲王安洎嗣薨壽六十六子
榮僖王睦稜嗣薨壽四十七子今王勤燦嗣

新會恭簡又曰昭穆王同鏞懿第八子薨壽四十六子
康惠王安渤嗣薨壽四十九子今王睦樞嗣

義寧昭安王安洙惠第四子薨壽五十三子榮懿王睦
棹嗣薨壽四十五今王勤禎嗣

平樂王安泛惠第五子年三十一以罪廢為庶人送鳳

陽守祖陵

崇善恭順王安瀉惠第六子薨壽四十六子端憲王睦
榘嗣薨壽三十四長子勤熾先卒子王朝墉嗣薨壽十九
無子爵除

海陽康隱王安逢惠第七子薨壽四十一子端康王睦
杲嗣薨壽四十子今王勤炆嗣

定安懷簡王安瀾惠第十子薨壽十九無子除

曲江恭和王安滌惠十一子薨壽四十五子榮定王睦

榕嗣薨壽四十三子今王勤燿嗣

博平恭裕王安減惠第十三子有賢聲薨壽五十一子
今王睦柯嗣近八十矣

聊城懷和王安潛惠十五子薨壽十八無子除

汾西靖安王安潛惠十六子薨壽四十四子端惠王睦
枬嗣薨壽四十四子康懿王勤燿嗣薨壽二十七子榮
靖王朝垸嗣薨壽二十六無子除

魯山康和王安潛惠十七子薨壽四十六子榮安王睦

櫟嗣堯壽五十七子康憲王勤烱嗣堯壽三十七無子除

信陵懿簡王安澤惠十八子堯壽三十四子莊安王睦
榘嗣堯壽三十五子端和王勤煇嗣堯壽十八無子除
邵陵恭順王安潤惠十九子堯壽五十子今王睦梓嗣
萊陽榮康王安潏惠二十子堯壽五十二子端定王睦
枕嗣堯壽四十三子今王勤煥嗣

東會莊僖王安瀉惠二十一子堯壽三十八子今王睦

終嗣今七十餘

富陽安穆王安濯惠二十二子薨壽三十三子端僖王
睦桴嗣薨壽三十八子勤烜嗣年三十九以皐幽高墻
會稽康敬王安藻惠二十三子薨壽五十四子宣懿王
睦杉嗣薨壽四十一子闕王勤遜嗣薨無子除

浦江懷隱王安涇惠二十四子薨壽三十八子安簡王
睦栢嗣薨壽三十三子今王勤熒嗣

麗水恭順王安汾惠二十五子薨壽二十無嗣除

應城恭穆王睦姪悼第四子薨壽七十二子今王勤煜
嗣壽七十餘

益陽康定王睦楮悼第五子薨壽五十六子鎮國將軍
勤煜先卒年二十六子今王朝墀嗣進鎮國為恭憲王
奉新榮憲王睦榴悼第六子薨壽四十五子今王勤熾
嗣壽七十

南陵莊裕王睦楨悼第九子薨壽六十九無子除

京山溫忠王勤炫恭第三子薨壽五十九子鎮國將軍

朝壁先卒年二十九子今王在鉢嗣

華亭榮安王勤熾恭第四子薨壽四十一子今王朝垣

嗣

寶坻王勤炬恭第五子今尚存七十餘矣

湯谿榮憲王勤挺恭第六子薨壽四十一子今王朝型

嗣

瑞金榮簡王勤煥恭第七子薨壽四十子溫靖王朝瓌

嗣薨壽三十二子今王在鉢嗣

商城榮簡王勤斌恭第八子薨壽五十一子今王朝塹嗣
臨安王勤煊恭第十子十二歲夭

柘城王勤煥恭第十一子今存

脩武康簡王勤煊恭十二子薨壽三十九子今王朝塹
嗣

安吉王勤煥恭十三子今尚在

汝寧端恪王勤然恭十四子薨壽四十五子今王朝塹
嗣

彰德王勤煊恭十五子尚在

順慶王朝埴康第二子尚在

保寧恭簡王朝堵康第三子薨壽三十二子今王在鍛

嗣

儀封王在鑾莊第二子尚在

安昌王在鉷莊第三子尚在

遂寧王在鈺莊第四子尚在

楚府巴陵悼簡王孟燠昭第一子薨年十七無子除

永安懿簡王孟炯昭第三子薨壽五十子莊惠王李塾
嗣薨壽六十子長子均鏐先卒壽四十一子靖懿王崇
澹嗣進長子悼懷王靖懿薨壽六十五子昭定王顯梧
嗣薨壽五十三子恭順王英煥嗣薨壽七十七子今王
華埭嗣

壽昌安僖王孟焯昭第四子薨壽五十八子靖和王季
埶嗣薨壽六十五子莊穆王均鐵嗣薨壽四十八無子
除

崇陽靖簡王孟煒昭第五子薨壽六十三子莊僖王季堞嗣薨壽四十七子端懿王均鋈嗣薨壽七十二子長子榮灝先卒壽三十九子顯休嗣進長子悼隱王顯休得罪賜死年四十三子長子英賢降鎮國將軍奉祀

通山靖恭王孟煥昭第六子薨壽五十七子莊簡王季

垺嗣薨壽四

闕

子長子均鏐先卒子溫定王榮灋嗣

進長子安惠王溫定薨壽六十三子端穆王顯樞嗣薨壽六十八子今王英炊嗣七十餘尚在

通城莊靖王孟燦昭第七子薨壽六十七子榮順王季
堽嗣薨壽七十一子長子均鐸先卒壽四十八追封僖
穆王子溫惠王榮渡嗣薨壽六十九長子顯柜先卒壽
四十追封懷簡王子王英燭嗣薨壽七十二子今王華
璚嗣

景陵順靖王孟炤昭第八子薨壽五十五無嗣

岳陽悼惠王孟燿昭第九子薨壽三十三子恭僖王季
境嗣薨壽五十八無子

江夏康靖王孟煜昭第十子薨壽六十三子悼順王季
璠嗣薨壽三十九子安惠王均鉅嗣薨壽三十九子端
僖王榮漠嗣薨壽五十八子今王顯桔嗣

東安恭定王季堞莊第三子薨壽三十八子均鉞嗣均
鉞進嗣楚王以弟昭簡王均鈺嗣薨壽五十九子恭懿
王榮淑嗣薨壽五十五子今王顯梈嗣

大冶悼僖王季堞莊第四子薨壽二十二無嗣

縉雲懷僖王榮淋靖第二子薨壽十八無嗣

保康榮靖王顯樟端第二子年十六無嗣

武岡王顯槐端第三子今六十矣

齊府樂安悼隱王賢烜庶人長子皐除

長山王賢煥庶人二子皐除

平原王賢燿庶人三子皐除

安丘靖恭王泰圻靖第二子薨壽六十二子長子陽鏊

先卒年十八追封莊簡王子榮順王當遂嗣薨壽四十

六子端惠王健樸嗣薨壽四十七子榮恪王觀煥嗣薨

壽三十二今王頤堀嗣

魯府鉅野僖順王泰塏靖第三子薨壽四十九子恭定
王陽鑒嗣薨壽七十一子莊憲王當涵嗣薨壽七十二
子端肅王健樾嗣薨壽六十一子惠榮王觀燭嗣薨壽
四十三無子除

鄒平莊靖王泰塏靖第四子薨壽四十八子恭懿王陽
鏞嗣薨壽六十四子莊定王當湜嗣薨壽七十一子鎮
國將軍健檔先卒年四十二追封榮安王子恭靖王觀

熒嗣薨壽四十八子今王頤杜嗣

樂陵恭惠王泰望靖第五子薨壽四十六子宣懿王陽
館嗣薨壽七十八子鎮國將軍當漆未封卒年六十一
追封端簡王子莊康王健概嗣薨壽六十九子恭僖王
觀燔嗣薨壽七十一子今王頤垓嗣

東阿端懿王泰望靖第六子薨壽八十一子長子陽鍾
先卒年三十無子弟榮靖王陽鏢嗣進長子悼和王榮
靖薨壽六十三子康惠王當澆嗣薨壽七十無子除

東甌端肅王當訖莊第二子薨壽六十八子恭恪王健楸嗣薨壽七十無子除

郟城康僖王當滋莊第三子薨壽五十一無子除

館陶宣思王當澁莊第四子薨壽五十一無子除

翼城恭安王當澧莊第五子薨壽四十八子今王健楸

嗣

滋陽榮莊王當漬莊第六子薨壽七十三子鎮國將軍

健楸先卒年三十二子恭裕王觀煒嗣進鎮國為懷懿

王恭裕薨壽六十子長子頤闕先卒年二十四子今王

壽鏞嗣

陽信安僖王當潛莊第七子薨壽五十八子安懿王健
杜嗣薨壽五十七子榮康王觀燃嗣薨壽四十五子恭
簡王頤埔嗣薨壽二十九子今王壽鈔嗣

高密康穆王當涓莊第八子薨壽三十六子安簡王健
拭嗣薨壽四十五子昭和王觀煥嗣薨壽三十七子闕

王頤封嗣壽十八無子除

歸善王當沅莊第九子坐誣幽高墻自殺壽三十八子
康肅王健昶嗣薨壽三十六無子除

新蔡端穆王當浮莊第十子薨壽五十二子昭和王健
柳嗣薨壽五十六子今王觀燦嗣

東原王頤埈端第二子尚存

蜀府華陽悼隱王悅燿獻第二子以謀殺適徙武岡又
徙澧州薨壽四十二子康簡王友埈嗣薨壽五十一子
悼康王申銓嗣薨壽四十二子恭順王賓沅嗣薨壽四

十九子長子讓核先卒子今王承爝嗣進封長子為康
僖王

崇寧王悅燂獻第三子薨壽二十六無子國除

崇慶王悅炘獻第四子薨壽十七無子國除

永川莊簡王悅烯獻第六子薨壽五十四妃何氏同日
自盡謚貞順子友塤先卒無嗣國除

黔江悼懷王友珪悼莊第三子未婚薨壽十一國除

內江莊懿王友璠和第二子薨壽八十二子長子申錡

先卒壽四十四子康靖王賓沁嗣薨壽五十四子長子

讓扮先卒子

闕

王承燾嗣薨壽三十子今王宣堦嗣

德陽僖安王友城和第三子薨壽四十二子恭裕王申

鈺嗣薨壽六十九子榮康王賓澠嗣薨壽七十三無子

以奉國將軍承煖奉祀

石泉榮穆王友墳和第四子薨壽七十二子恭簡王申

鈔嗣薨壽七十子康惠王賓清嗣薨壽六十二子今王

讓機嗣


汝川懿簡王友澹和第五子薨壽三十子榮康王申銷
嗣薨壽七十五子恭僖王賓沙嗣薨壽七十七子長子
讓地先卒年五十一子今王承烟嗣

慶符恭僖王友標和第六子薨壽五十七子端順王申
鋌嗣薨壽五十六子恭和王賓沾嗣薨壽六十子今王
讓儀嗣

南川安靖王申鋸定第四子薨壽七十二長子賓湏孫
讓檐卒無後次子賓灝亦先卒以其子今王讓樺嗣

江安王宣址康第二子今存

湘府無後



弇山堂別集卷三十四